

四庫全書

史部

欽定四庫全書

欽定日下舊聞考卷三十七

京城總記一

臣等謹按四方會極厥惟

京師

國家宅都燕薊

威德之盛

聲靈之遠超前古而立隆至於

宮闕制度用式觀瞻則悉仍前明之舊第畧加修飾而已今謹於城市門綜舉

本朝都城之制附以原書列代建置為

京城總記二卷

皇城為四卷內城外城凡衢市之分隸五城者並據今制以次臚列於後

增京城周四十里高三丈五尺五寸門九南曰正陽南之左曰崇文南之右曰宣武北之東曰安定北之西曰

世祖章皇帝定鼎燕京分列八旗拱衛

皇居鑲黃居安定門內正黃居德勝門內並在北方正
白居東直門內鑲白居朝陽門內並在東方正紅居西
直門內鑲紅居阜城門內並在西方正藍居崇文門內
鑲藍居宣武門內並在南方蓋八旗方位相勝之義以
之行師則整齊紀律以之建國則鞏固屏藩誠振古以
來所未有者也

八旗
通志

增雍正三年六月十三日八旗都統前鋒統領護軍統

馬司前圓恩寺後圓恩寺局兒衙衙為三叅領之十八
佐領居址自交道口大街向東循新橋轉南至香兒衙
衙東口為四叅領之十七佐領居址自香兒衙衙東口
向南至府學衙衙馬將軍衙衙錢局週圍為五叅領之
十七佐領居址蒙古官兵自交道口大街向北至安定
門為頭叅領之十四佐領居址自北鑼鼓巷南口至北
口北鑼鼓巷兩邊所有之倒鈔衙衙經廠粉子亭謝家
衙衙伽藍殿法通寺淨土寺豆腐池兒衙衙高古菴郎

4

羊館衙衙針線衙衙寬街此四條衙衙為五叅領之十

佐領居址

同上

增正白滿洲蒙古漢軍三旗與鑲黃旗接界之處係自
府學衙衙東口向南各按叅領至四牌樓豹房衙衙東
口與鑲白旗接界之處由

皇城根至東大城根滿洲官兵自鑲黃旗接界處之棉
花衙衙東口循大街向南至大佛寺西北角為頭叅領
之十七佐領居址自大佛寺西北角向南至豹房衙衙

西口為二叅領之十六佐領居址

皇城東邊所有之寬街草廠衙衙取燈衙衙瞭穀廠弓
弦衙衙雙塔衙衙此六衙衙為三叅領之十六佐領居
址兩大街所有之鐵獅子衙衙賈家衙衙汪芝蔴衙衙
魏家衙衙十景花園馬大人衙衙墻兒衙衙大佛寺衙
衙羊尾巴衙衙山老兒衙衙喇叭營此十一衙衙為四
叅領之十六佐領居址自馬市口向東至四牌樓隆福
寺週圍所有之細小衙衙為五叅領之十六佐領居址

蒙古官兵自府學衙東口循大街至五條衙衙為頭
叅領之十五佐領居址自五條衙衙至四牌樓為二叅
領之十四佐領居址漢軍官兵自新橋大街至東直門
為頭叅領之十佐領居址北新倉海運倉興平倉南新
倉舊太倉富新倉此六倉門相近為二叅領之十佐領
居址自東直門南小街北宋姑娘衙衙口袋衙衙慧照
寺王家衙衙船板衙衙板橋衙衙此六衙衙為三叅領
之十一佐領居址北新橋大街六條衙衙七條衙衙八

領之十七佐領居址自院府衙衙東口至長安街牌樓
為二叅領之十六佐領居址東長安大街西邊所有之
翠花衙衙東長衙衙奶子府衙衙燒酒衙衙錫鑪衙衙
菜廠衙衙院府衙衙梯子衙衙口袋衙衙理藩院後衙
衙此十衙衙為三叅領之十八佐領居址自長安街牌
樓向東至單牌樓為四叅領之十七佐領居址自燈市口
大街西口至東四牌樓大街向南兩大街之間所有椿
樹衙衙金銀衙衙煤炸衙衙帥府衙衙頭條衙衙二條

子衙衛史大人衙衛羊儀賓衙衛總把衙衛此五衙衛
為五叅領之五佐領居址同上

增正藍滿洲蒙古漢軍三旗與鑲白旗接界之處係自
單牌樓至崇文門由金水樓向東至大城根滿洲官兵
自鑲白旗接界處由長安街牌樓向西進東長安門至
金水橋為頭叅領之十六佐領居址自新街口南口至
北口為二叅領之十七佐領居址自宗人府向南戶部
周圍至中御河橋為三叅領之十七佐領居址自中御

河橋至洪厰衙衙北口為四叅領之十七佐領居址自
洪厰衙衙口向北至長安街為五叅領之十七佐領居
址蒙古官兵自單牌樓至崇文門為頭叅領之十五佐
領居址自江米巷東口至洪厰衙衙為二叅領之十四
佐領居址漢軍官兵自單牌樓觀音寺衙衙向東至舉
場西門為頭叅領之六佐領居址自羊肉衙衙西口向
東至水磨衙衙為二叅領之七佐領居址自裱背衙衙
西口至東口為三叅領之五佐領居址自蘇州衙衙西

口東至馬皮廠北口為四叅領之六佐領居址自船板
衙衙西口向東至馬皮廠南口為五叅領之七佐領居

址

同上

增正黃滿洲蒙古漢軍三旗自鼓樓向西至新街口大
街北口城根向南至馬狀元衙衙西口與正紅旗接滿
洲官兵自鼓樓大街向西北藥王廟南口至大城根為
頭叅領之十九佐領居址自北藥王廟街南口向西循
大街至八調灣南口為二叅領之十九佐領居址自八

調灣南口循大街至德勝門轉南至德勝橋為三叅領之十八佐領居址自鼓樓斜街循銀錠街向西李廣橋至德勝橋大街為四叅領之十八佐領居址自松樹街北口至南藥王廟為五叅領之十八佐領居址蒙古官兵自松樹街南口向西至德勝橋轉北至宏善寺西口為頭叅領之十二佐領居址自宏善寺衙衙西口至德勝橋為二叅領之十二佐領居址漢軍官兵自護國寺街至棉花衙衙南口羅圈衙衙西口為頭叅領之十佐

領居址自西口連棉花衙衙廊房衙衙草廠衙衙為二
叅領之十佐領居址自蔣家房東口至西口為三叅領
之十一佐領居址自新街口向北至四條衙衙東口為
四叅領之十佐領居址自四條衙衙東口至城根及銅
井為五叅領之九佐領居址

同上

增正紅滿洲蒙古漢軍三旗與正黃旗接界之處係自
馬狀元衙衙東口與鑲紅旗接界之處由

皇城根向西至大城根滿洲官兵自西直門大街曹公

觀之東至新街口轉南至石老娘衙衙東口為頭叅領之十二佐領居址自石老娘衙衙東口向南至四牌樓轉東至馬市東口為二叅領之十六佐領居址

皇城西邊所有之馬狀元衙衙太平倉衙衙毛家灣衙衙紅羅廠衙衙拐棒衙衙此五衙衙為三叅領之十五佐領居址自四牌樓大街西邊所有之驢肉衙衙帥府衙衙報子衙衙臭皮衙衙石老娘衙衙此五衙衙為四叅領之十二佐領居址四牌樓大街西邊所有之衙衣

衙衙太平侯衙衙五王侯衙衙車兒衙衙石碑衙衙寶
禪寺帽兒衙衙宮衣庫衙衙此八衙衙為五叅領之十
四佐領居址蒙古官兵自西直門大街南邊所有之草
廠衙衙柳巷衙衙觀音寺衙衙陳線衙衙大覺寺衙衙
此五衙衙為頭叅領之十一佐領居址自大覺寺衙衙
向南至廠胡教寺祖家街柵欄衙衙東觀音寺衙衙椿
樹衙衙苦水井此七衙衙為二叅領之十一佐領居址
漢軍官兵自阜城門循大街至宮門口為頭叅領之四

佐領居址自宮門口向東至馬石橋為二叅領之四佐
領居址馬石橋北邊所有之蘇羅卜衙衙回子營為三
叅領之四佐領居址自回子營向北至茶葉衙衙翠花
街為四叅領之四佐領居址自宮門口向北至葡萄園
東口為五叅領之三佐領居址

同上

增鑲紅滿洲蒙古漢軍三旗與正紅旗接界之處係自
羊肉衙衙向南至單牌樓與鑲藍旗接界之處由

皇城根向西至大城根滿洲官兵自與正紅旗接界處

之四牌樓大街向南至單牌樓轉東至長安街牌樓為
頭叅領之十三佐領居址西安門大南邊所有之板場衙衙廊
房衙衙舊房衙衙小舊房衙衙東斜街細米衙衙此六衙衙為二
叅領之十七佐領居址自細米衙衙向南餼子衙衙狗尾巴
衙衙背陰衙衙太僕寺街李閣老衙衙此五衙衙為三叅領之
十七佐領居址自李閣老衙衙向南東夾道東岳廟岱北寺小
東岳廟演象所官磨房此六衙衙為四叅領之十八佐領居址
餼子衙衙向南堂子衙衙石虎衙衙蜈蚣衙衙衙油房衙衙茶

葉衙衙西夾道正溝衙衙此七衙衙為五叅領之十七
佐領居址蒙古官兵自四牌樓大街西邊所有之粉子
衙衙後泥窪十八半截豐盛衙衙此四衙衙為頭叅領
之十佐領居址自豐盛衙衙向北之兵馬司衙衙燕兒
衙衙磚塔衙衙羊肉衙衙此四衙衙為二叅領之十二
佐領居址漢軍官兵以四牌樓大街西邊所有之白廟
衙衙半壁街此二衙衙為頭叅領之二佐領居址自白
廟衙衙向北車子衙衙榆錢衙衙沈籠子衙衙千張衙

衙此四衙衙為二叅領之六佐領居址自千張衙衙向
南打磨廠半圈高井口袋衙衙此四衙衙為三叅領之
四佐領居址自口袋衙衙向南施飯寺皮褲子衙衙東
夾道衙衙此三衙衙為四叅領之六佐領居址自東夾
道衙衙向南白廟衙衙刑部街此二衙衙為五叅領之

四佐領居址

同上

增鑲藍滿洲蒙古漢軍三旗與鑲紅旗接界之處係自
單牌樓至宣武門金水橋向西至大城根滿洲官兵自

與鑲紅旗接界處之長安街牌樓向東進西長安門至
金水橋為頭叅領之十八佐領居址自江米巷向北至
長安門大街中府左府四眼井周圍為二叅領之十八
佐領居址自河漕沿向東至石牌衙街文昌閣拴馬椿
馬神廟衙街此四衙街為三叅領之十八佐領居址自
獅子口向東由皮市南口轉北至掃帚衙街西口為四
叅領之十七佐領居址自西單牌樓向南由絨線衙街
轉東至河漕沿六部口抽屜衙街關帝廟衙街牛肉灣

此六衙為五叅領之十七佐領居址蒙古官兵自宣武門至絨線衙衙西口油房衙衙南拴馬椿翠花衙衙棗樹街此四衙衙為頭叅領之十三佐領居址中街半壁街前細瓦廠新簾子衙衙舊簾子衙衙此五衙衙為二叅領之十二佐領居址漢軍官兵自西單牌樓西邊之抱子街東口至西口為頭叅領之五個半佐領居址自手帕衙衙東口至西口為二叅領之四佐領居址自鐵匠衙衙東口至西口為三叅領之四佐領居址自石

駙馬大街東口向西至棕毛衙衙為四叅領之五佐領
居址自頭髮衙衙東口向西至臭水河為五叅領之四

佐領居址

同上

原南京析津府城方三十六里崇三丈衙廣一丈五尺
敵樓戰櫓具八門東曰安東迎春南曰開陽丹鳳西曰
顯西清普北曰通天拱辰大內在西南隅坊市廨舍寺
觀蓋不勝書其外有居庸松亭榆林之關古北之口桑

乾河高梁河石子河大安山燕山中有瑤嶼

遼史

原在宮室

門令
移改

臣等謹按遼金城池舊址與今四至不同而實為
都邑迭增之所自原書有散見宮室門者今悉移
載卷內

原度盧溝河六十里至幽州號燕京子城就羅郭西南
為之正南曰啟夏門內有元和殿東曰宣和城中坊開
皆有樓南門外有裕悅王廨為宴集之所門外永平館

舊名碣石館清和後易之南即桑乾河

王文正
上遼事

原在
宮室

門今
移改

朱彝尊原按遼史皇族表有裕悅希達裕悅赫魯
裕悅斡裕悅休格裕悅羅卜科裕悅果實裕悅烏
珍國語解裕悅貴官無所職其位居南北大王上

按祿嚕滿州語車輻也舊作喝魯斡滿洲語氣味也
舊作哇羅卜科蒙古語淖泥也舊作魯不古果寔
滿洲語疼愛也舊作高十烏珍滿
洲語重也舊作屋質今俱詳改

臣等謹按遼史無清和年號惟聖宗嘗改元統和
王曾封事所云清和疑即統和之訛也永平館當

在今城南遺址已不可考

原太宗以燕城北有市百物山侍命有司治其征

遼史

原在宮室

門今移改

原永平館在府南一十里一名碣石館遼朝士宴集之

所

明一統志

原在城市門今移改

增遼開泰元年始號為燕京海陵貞元元年定都號為

中都天德三年始圖上燕城宮闕制度三月命張浩等

增廣燕城之門制十有二東曰施仁宣曜陽春南曰

景風豐宜端禮西曰麗澤灝華彰義北曰會城通元崇智改門曰清怡曰光泰浩等取真定府潭園材木營造

宮室及涼位十六

析津志

補貞元四年金主亮率文武百官幸燕遂以燕為中都府曰大興定京邑焉都城之門十二每一面分三門一正兩偏其正門兩旁又皆設兩門正門常不開惟車駕出入餘悉由旁兩門焉其門十二各有標名東曰宣耀曰施仁曰陽春西曰灝華曰麗澤曰彰義南曰豐宜曰

欽定四庫全書

欽定四庫全書
日下舊聞考

卷三十七

十六

景風曰端禮北曰通元曰會城曰崇智內城門左掖右掖宣陽又在外焉外墨書粉地內則金書朱地皆故禮

部尚書王兢書

金圖經

原在宮室門補遺今移改

原都城四圍凡七十五里城門十二每一面分三門其

正門兩旁又設兩門正東曰宣耀陽春施仁正西曰灝

華麗澤彰義正南曰豐宜景風端禮正北曰通元會城

崇智此四城十二門也

大金國志

原在宮室門今移改

朱彛尊原按金史城門十三北有四門一曰光泰

當以史為正

臣等謹按大金國志金圖經皆言金都城門十二金史獨於北面多光泰一門析津志亦作十二門而又別出清怡光泰二門考北平圖經謂奉先坊在舊城通元門內而析津志又謂在南城清怡門內二名錯見疑清怡即通元之別稱而光泰或亦會城崇智之別稱歟

增天德三年海陵意欲徙都於燕上書者咸言上京臨

潢府僻在一隅官艱於轉漕民難於赴愬不如都燕以應天地之中言與意合乃命左右丞相張浩張通左丞蔡松年調諸路民夫築燕京制度如汴詔曰燕本列國之名今立京師不當稱燕京改號中都以析津府為大

興府

元一統志

增金朝築燕城用涿州土人置一筐左右手排立定自涿至燕傳遞空筐出實筐入人止土一畚不日成之

析津志

志

原燕展築南城係金海陵天德二年見蔡無可大覺寺

碑

嘉玉堂

原正隆四年二月修中都城金史

史金

原初忠獻王粘罕有志都燕因遼人宮闕於內城外築四城每城各三里前後各一門樓櫓池塹一如邊城每城之內立倉廩甲仗庫各穿複道與內城通時陳王兀室將軍韓常妻宿皆笑其過計忠獻曰百年內當以吾言為信及海陵煬王定都既營宮室欲徹其城翟天祺

曰忠獻開國元勲措置必有說乃止

金國南遷錄

原燕山府城周圍二十七里樓臺高四十尺樓計九百

一十座池塹三重城開八門

奉使行程錄

以上四條原在世紀門今移改

臣等謹按據此條燕京舊城周二十七里至金天

德三年展築三里見析津志所引金蔡珪大覺寺

記合計之共周三十里此皆指都城言之至大金

國志所稱周七十五里者則指外郭而言猶今外

城之制也

欽定四庫全書

今天寧寺在廣寧門外稍北而元一統志謂在舊城延慶坊內又今琉璃廠在正陽門外而近得遼時墓碑稱其地為燕京東門外之海王村又今黑窑廠在永定門內先農壇西而其地有遼壽昌中慈智大師石幢亦稱為京東又圖經志書載都土地廟在舊城通元門內路西通元乃金都城北門而都土地廟今在宣武門外西南土地廟斜街由是觀之則遼金故都當在今外城迤西以至郊外

之地其東北隅約當與今都城西南隅相接又考
元王暉中堂事記載中統元年赴開平三月五日
發燕京宿通元北郭六日午憩海店距京城廿里
海店即今海淀據暉所言以道里核計則金時外
郭七十五里之方位不難約畧而知矣

原南城在今城西南唐幽州蕃鎮城及遼金故都城也
隋之天寧寺舊在城中今在城外矣憫忠寺有唐景福
元年重藏舍利記其銘曰大燕城內地東南隅有憫忠

寺門臨康衢憫忠寺舊在城中東南今在城外西南僻

境矣

春明夢
餘錄

朱彞尊原按隋唐之幽州洪業寺在城內唐之幽
州憫忠寺在城東南隅遼之南京因之康熙辛酉
西安門內有中官治宅掘地悞發古墓中有瓦鑪
一瓦罌一墓石二方廣各一尺二寸一刻卞氏墓
誌四字環列十二辰相皆獸首人身一刻誌銘而
書作誌誌題曰大唐故濮陽卞氏墓誌誌文曰貞

元十五年歲次己卯七月癸卯朔夫人寢疾卒於幽州薊縣薊北坊以其年權窆於幽州幽都東北五里禮賢鄉之平原是今之西安門去唐幽州城東北五里而遙矣金拓南城時妝臺在城之東北至於元之中都則今德勝安定東直三門外皆城中地而白馬廟瓊華島妝臺太液池柴市憫忠寺大悲閣咸在南城迨徐寧又改築縮其北五里廢光熙肅清二門規制差隘永樂中重拓南城然憫

忠寺大悲閣仍限門外蓋都城凡數徙坊市變置
代有不同閱絳雲樓書目有皇元建都記及蕭洵
有故宮遺錄二編惜燔於火今博訪未得金元之
遺蹟遂多湮滅而無徵矣

以上二條原在
世紀門今移改

臣等謹按朱彛尊原按稱瓊華島太液池在南城
者乃指金時周七十五里之外城非金都三十里
之內城也元至元間改建都城去都東北三里則
指金之內城東北若外城之瓊島液池元人即於

此營建大內並未嘗全棄其地析津志及元李洵
孫大都賦記載甚明詳見後條

原王憚復隍謠 南城翼翼足汙瀝既建神都風土美
燕人重遷朽厥載睿意作新思有此一朝詔徙殊井疆
九陌香生通威里場城密邇不剗去適足囊奸養狝
城復池隍莫嘆嗟一廢一興固常理今年戊子冬十月
天氣未寒無雨雪禁軍指顧舊築空郊遂坦厓無壅隔
寂寞千門草棘荒他年空有銅駝說我詩雖小亦王風
庶紀商盤歌帝 原在世紀
哲秋澗集 門今移改

朱彛尊原按元史地理志至元四年始於中都之
東北置今城而遷都焉世祖本紀至元二十年六

月發軍修定大都城而王秋澗詩則云今年戊子
冬十月是至元二十五年矣與史不合

原劉崧燕城雜詩 南城土垣故不塌西宮渠水自相
通野蘆花似楊花白藥木葉如楓葉紅葉根磊磊紅蘿
菊草子漸漸白蒺藜東薊直通齊 原在世紀
化外南城更在順承西 槎翁集 門今移改

原入豐宜門過龍津橋橋分三道通用奪玉石扶闌上

琢為嬰兒狀極工巧

北轅錄

原龍津橋在燕山宣陽門外以玉石為之引西山水灌

其下

石湖集

原范成大詩 燕石扶闌玉雪堆柳塘南北抱城迴西
山刺放龍津水留待官軍飲馬來 同上

原大定元年十一月固雲以軍至中都同知留守璋請
至府議事固雲疑璋有謀乃陽許諾排節仗若將往者
遂騎從出施仁門駐兵通州見世宗於三河 金史列
傳按固雲唐古特語才能也原作毅英今譯改 原在

宮室門今移改
原太和八年八月有虎至陽春門外駕出射獲之 金

史本紀
原泰和六年詔建昭烈武成王廟於闕廷之右麗澤門

內 金史

原郝經義勇武安王廟碑 郡國州縣鄉邑閭井皆有王

廟夏五月十有三日秋九月十有三日則大為祈賽整
仗盛儀旌甲旗鼓長刀赤驥儼如王生千載之下景嚮

若是况漢季之遺民乎 陵川集

原元好問梁園春詞 雙鳳蕭聲隔綵霞宮鶯催賞玉谿

改定四庫全書

欽定四庫全書

花誰憐麗澤門邊柳瘦倚東風望翠華 遺山集

原燕城西南門曰端禮有大定末劉無黨所撰左丞唐
古安禮碑云尹大興時迎午休吏燕雀語堂下人不知
有官府 玉堂佳話 唐古原作唐括今改正

原赫舍哩執中分其軍為三軍由彰義門入自將一軍
由通元門入 金史列傳

原大安三年二月通元門重關折九月蒙古兵至中都
十月遣泰州刺史珠赫呼果勒齊屯通元門外至寧元

年五月起呼沙呼復為右副元帥領武衛軍二千人屯
通元門外八月呼沙呼自通元門入妃嬪皆束裝至通

元門 金史紀 按珠赫呼舊作术虎今從八旗姓譜
改正勒齊滿洲語中心也舊作高琪今俱譯改 以上

七條原在宮
室門今移改

臣等謹按朱彞尊原書宮室卷內取史傳之文有

坊時和坊奉先坊富義坊來遠坊通樂坊親仁坊招商
坊餘慶坊郁鄰坊通和坊西南東北二隅舊坊門之名
二十東曲河坊東開陽坊咸寧坊東縣西坊石幢前坊
銅馬坊南薊寧坊北薊寧坊啄木坊康樂坊齊禮坊為
美坊南盧龍坊北盧龍坊安仁坊鐵牛坊敬客坊南春
臺坊北春臺坊仙露坊

元一
統志

臣等謹按此條乃具錄金時都城內各坊之名其
方位界至歲久已就湮沒今以析津志元一統志

五城坊巷銑衙集所載寺院基址現存者參互考之則歸義廢寺在今彰義門大街北當為時和坊都土地廟在今土地廟斜街當為奉先坊天王寺即今天寧寺在廣寧門外當為延慶坊又宣武門外菜市西嘗發地得仙露寺舍利石匣當為仙露坊又宣北坊之昊天寺當為棠陰坊竹林寺當為顯忠坊紫金寺當為北開遠坊大約皆在宣武廣寧二門之間其餘則多不可考矣

原金自天德以後始有南北郊之制大定明昌其禮寢
備南郊壇在豐宜門外圓壇三成成十二陛壇墻三匝
四面各三門齋宮東北府庫在南壇壝皆以赤土圻之
北郊方丘在通元門外方壇三成四正陞方壝三周四
面亦三門朝日壇曰大明在施仁門外之東南門壇之
制皆同方丘夕月壇曰夜明在彰義門外之西北掘地
圻之為壇其中常以冬至日合祀昊天上帝皇地祇於
園丘夏至日祭皇地祇於方丘春分朝日秋分夕月

同上

如大祀儀

同上

原入宣陽門由馳道西南入會同館

北轅錄

原會同館燕山客館也遼已有之

石湖集

原燕賓館燕山城外館

同上

補使至燕京寓於來遠驛泛使則居遠驛焉

建炎以來朝野稗記

補宋淳熙中范至能使北孝宗令口奏金主謂河南乃

宋朝陵寢所在願歸侵地宰相力以為未可至能遂自

為一書述聖語至金庭納之袖中既跪進國書伏地不

二十七

是超擢至於大用至能在燕京會同館守吏微言有羈
留之議乃賦詩曰萬里孤臣致命秋此身何止一浮漚
提携漢節同生死休問羝羊解乳不

鶴林
玉露

補淳熙十五年二月遺留禮信使顏師魯高震至燕京

燕賓館宴畢入來寧館蓋泛使之館也

思陵
錄

補宋人與遼金南北通問各設國信使使至俱置客省
司四方館使引進有官押燕有伴其後使事不一於即
位上尊號生辰正旦則遣使賀於國恤則遣使告哀弔

慰祭奠進遺留禮物又有告慶諭成報聘報謝報諭祈
請申請詳問等目大半多用詞臣北有燕賓館南有班
荆館至燕京則許游憫忠慶壽諸刹至臨安則伴使偕
往天竺燒香次冷泉亭呼猿洞而歸當時紀行之書存
於今者王曾上契丹事富弼奉使錄許亢宗奉使行程
錄洪皓松漠紀聞范成大攬轡錄周煇北轅錄僅寥寥
數卷而已其宮闕制度猶可藉以考證外如路振乘軺
錄宋敏求入蕃錄范鎮使北錄劉敞使北語錄江德藻

聘北道里記沈括使遼圖抄李罕使遼見聞錄寇瑛奉
使錄王曙戴斗奉使錄王晉使範連鵬舉宣和使金錄
何鑄奉使襍錄雍堯佐隆興奉使審議錄張棣講和事
迹韓元吉金國生辰語錄姚憲乾道奉行錄余堯使燕
錄樓鑰北行日錄富軾奉使語錄多軼不傳又若趙良
嗣燕雲奉使錄馬擴茆齋自叙沈瑄南歸錄鄭望之靖
康奉使錄李若水山西軍前奉使錄傅雱建炎通問錄
范仲熊北紀晁公忞金人敗盟記雖散見於北盟會編


而未必全至若皇華錄南北歡盟錄南北對鏡圖南北
國信記議盟記接伴語錄北朝國信語錄賀正人使例
使北錄靖康要盟錄紹興通和錄講和錄開禧通和持
書通問本末諸書僅留其目并作者姓字皆佚矣

瀛洲遇古錄

原范成大燕賓館詩 九日朝天種落散也將佳節勸
盤餐苦寒不似東籬下雪滿西山把菊看 以上八條
原在宮室門今移改

補吳縵題燕山驛壁風流子詞 書劍憶游梁當時事
底處不堪傷念蘭若嫩葉向吳南浦杏花微雨窺宋東
牆鳳城外燕隨金步障綠惹紫游韁曲水古今禁烟前
後暮雲樓閣春草池塘 回首斷人腸年芳但如霧鏡
髮已成霜獨有蟻尊陶馬蝶夢悠揚聽出塞琵琶風沙

新渚寄書鴻雁烟月微
茫不似海原在城市
門潮信猶到潯陽
庚谿詩話
門今移改



欽定日下舊聞考卷三十七

欽定四庫全書

史部

欽定日下舊聞考卷

三十八至
四十

詳校官庶吉士臣胡鉅

檢討臣德生覆勘

總校官進士程嘉謨

校對兼謄錄生單可璣

欽定四庫全書

欽定日下舊聞考卷三十八

京城總紀二

增金海陵徙都大興宣宗奔汴元世祖改為燕京路今舊南城是也至元四年始定鼎於中都之北三里築城

圍六十里九年改為大都

洪武北平
圖經志書

原京城方六十里里二百四十步分十一門

輟耕
錄

原在

宮門
今移改

欽定四庫全書

欽定日下舊聞考

二

原城之正南曰麗正左曰文明右曰順承正東曰崇仁
東之南曰齊化東之北曰光熙正西曰和義西之南曰
平則西之北曰肅清北之西曰健德北之東曰安貞

禁扁

以上二條原在
宮室門今移改

增九年二月改號大都遷居民以實之建鐘鼓樓于城

中

元一
統志

增世祖築城已周乃于文明門外向東五里立葦場收
葦以葦城每歲收百萬以葦排編自下砌上恐致摧塌

累朝因之至文宗有警用諫者言因廢此輩止供內厨之需每歲役市民修補至元間朱張進言自備已資以磚石包裹內外城牆因時宰言乃廢至今西城角上亦畧用磚而已至元十八年奉旨挑掘城濠添包城門一

重

析津志

臣等謹按據析津志所言則元時都城乃用土築蓋至明初改築時始加以磚甃也

增崇天門正南出周橋靈星三門外分三道中千步廊

街出麗正門門有三正中惟車駕行幸郊壇則開西一門亦不開止東一門以通車馬往來

析津志

臣等謹按元時都城本廣六十里明初徐達營建北平乃減其東西迤北之半故今德勝門外土城關一帶高阜聯屬皆元代北城故址也至城南一面史傳不言有所更改然考元一統志析津志皆謂至元城京師有司定基正直慶壽寺海雲可菴二師塔勅命遠三十步許環而築之慶壽寺今為

雙塔寺二塔屹然尚存在西長安街之北距宣武門幾及二里由是核之則今都城南面亦與元時舊基不甚相合蓋明初既縮其北面故又稍廓其南面耳

補至元三年城大都張弘畧佐其父柔為築宮城總管
十三年城成賜內帑金鈿玳瑁元史本傳 原在

世紀門今移改

增世皇建都之時問於劉太保秉忠定大內方向秉忠
以麗正門外第三橋南一樹為向以對上制可遂封為
獨樹將軍賜以金牌每元會聖節及三宵三夕於樹身
懸掛諸色花燈於上高低照耀遠望若火龍析津志
補張憲二月八日游皇城回觀走馬歌 春風壓城紫

燕飛繡鞍寶勒生光輝軟草青青平似鏡花雨滿中風
滿衣潛蛟雙綰玉抱肚朱鬣分光散紅霧金龍五爪蟠
綠袍滿背真珠撒秋露生猿俊健雙臂長左脚撥鐙右
蹴韁銅銃四扇繞十指玉聲珠碎金琅璫黃蛇下飲電
掣地錦鷹打兔起復墜袖雲突兀鞍面空銀甕駝囊兩
邊絕西宮綵樓高挿天鳳凰綵繞排神仙玉皇拍欄誤
一笑不覺四蹄如迸煙神駒長鳴背凝血郎君轉面醉
眼顯天恩剪下五色雲打鼓歸來汗如雪玉筍生遺

稿

補黎崩皇慶初元入都城作

天象分明散曉霞故令

騎馬入京華雲開閭闔三千丈霧暗樓臺百萬家寒盡
宮花初著藥春深官柳已藏鴉太平景物今如此始信

皇圖福未涯

安南志畧

以

上二條原在宮室門今移改

原元張中丞養浩歸田類藁有登憫忠詩自注云北三

十里為大內虞文靖集作楊襄敏碑云至元十閏年始
大城京師于大興故城之北中為天子之宮廟社朝市
各以其位而貴戚功臣悉受分地以為第宅然則元之
大內在今地壇之右矣當時檇李顧淵白獻燕都賦寧
海李洧孫有大都賦惜皆佚不傳也

人海記

原在世紀門今移改

臣等謹按此條引元張養浩登憫忠寺閣詩注謂
閣北三十里為元大內與析津志北京志及元李
洧孫大都賦所紀皆不合此三十里當是三里之

訛耳據唐景福中重藏舍利記燕城東南隅為憫
忠寺又北京志至元四年始定鼎于中都之東北
三里夫中都本唐舊城遼金展拓不過數里見金
蔡珪大覺寺記當時憫忠寺之在城東南如故也
元都城周六十里以圍三徑一衡之城中南北相
直應二十里加以新舊都城相去三里則憫忠寺
距元之安貞門不過二十三里焉有大內而轉遠
隔三十里者乎且元大內在太液池東為金萬

寧宮苑地此外更別無大內李洧孫賦曰揭五雲
於春路迓萬寶於秋方則崇文門外東西坊也曰
山萬歲之嶙峋冠廣寒之崢嶸池太液之浩蕩則
指瓊華島也曰麗正之所包羅崇仁之所聯絡和
義之所網維安貞健德之所囊括則指都城各門
也合城坊門固以觀則元大內即近液池益
信而揆以憫忠閣北三里約畧相符矣李洧孫
賦彞尊未之見今從永樂大典內錄出已載形

勝門

增左右警巡二院領大都在城坊市至元二十五年省部照依大都總管府講究分定街道坊門翰林院擬定

名號

元一統志

增坊名元五十以大衍之數成之名皆切近乃翰林院侍書學士虞集伯生所立外有數坊為大都路教授時

所立

析津志

增福田坊坊有梵剎取福田之義以名阜財坊坊近庫

藏取虞舜南風歌阜民財之義以名金城坊取聖人有
金城金城有堅固久安之義以名玉鉉坊按周易鼎玉
鉉大吉以坊近中書省取此義以名保大坊按傳曰武
有七德保大定功以坊近樞密院取此義以名靈椿坊
取燕山竇十郎靈椿一株老之詩以名丹桂坊取燕山
竇十郎教子故事丹桂五枝芳之義以名明時坊地近
太史院取周易革卦君子治厯明時之義以名鳳池坊
地近海子在舊省前取鳳凰池之義以名安富坊取孟

子安富尊榮之義以名懷遠坊取左傳懷遠以德之義以名太平坊取天下太平之義以名大同坊取四方會同之義以名文德坊按尚書誕敷文德取此義以名金臺坊按燕昭王築黃金臺以禮賢士取此義以名穆清坊地近太廟取毛詩於穆清廟之義以名五福坊坊在中地取洪範五福之義以名泰亨坊地在東北寅方取泰卦吉亨之義以名八政坊地近萬斯倉八作司取洪範八政食貨為先之義以名時雍坊取尚書黎民於變

尚書平在朔易之義以名和寧坊取周易保合太和萬國咸寧之義以名智樂坊地近流水取智者樂水之義以名鄰德坊取論語德不孤必有鄰之義以名有慶坊按尚書一人有慶兆民賴之取其義以名清遠坊地在西北隅取遠方清寧之義以名日中坊地當市中取日中為市之義以名寅賓坊在正東取尚書寅賓出日之義以名西成坊在正西取尚書平秩西成之義以名由義坊西方屬義故居仁坊地在東市東屬仁取孟子居

—

臣霑恩如湛露坊近官酒庫取此義以名樂善坊地近諸王府取漢東平王為善最樂之義以名澄清坊地近御史臺取澄清天下之義以名

元一
統志

增福田坊在西白塔寺阜財坊在順承門內金玉局巷口金城坊在平則門內玉鉉坊在中書省前相近保大坊在樞府北靈椿坊在都府北丹桂坊在靈椿北明時坊在太史院東鳳池坊在斜街北安富坊在順承門羊角市懷遠坊地在西北隅太平坊大同坊

析津
志

增里仁坊在鐘樓西北發祥坊在永錫坊西發祥坊西
北大街磚斗拱扁溥光最為年遠三相公寺前善利坊
樂道坊好德坊招賢坊在翰林院西北善俗坊在健德
門昭回坊都府南居賢坊國學東監官多居之鳴玉坊
在羊市之北展親坊惠文坊草市橋西請茶坊海子橋
北訓禮坊咸宜坊順承門裏倒鈔庫北思誠坊東皇華
坊明照坊與上相對蓬萊坊天師宮前南薰坊光祿寺
東甘棠坊遷善坊可封坊在健門豐儲坊在西倉西

同上

臣等謹按析津志所載里仁坊以下諸名不列虞集五十坊名之內其名或起元末未可知也

增市三斜街市在日中坊羊角市在鳴玉坊咸宜坊舊

樞密院角市在南薰明照二坊

國經志書

增街制自南以至于北謂之經自東至西謂之緯大街二十四步濶小街十二步濶三百八十四火巷二十九

街通街通二字本方言

析津志

增長街千步廊街丁字街十字街鐘樓街半邊街碁盤

街五門街三义街此二街在南城上同

增米市麵市

鐘樓前十字街西南角

羊市馬市牛市駱駝市

驢騾市已上七處市俱在羊角市一帶其雜貨并

在十市口北有柴草市此地若集市近年俱于此街西

為貿易所段子市在鐘樓街西南皮帽市同上菜市麗

正門三橋哈達門丁字街菜市和義門外帽子市鐘樓

窮漢市一在鐘樓後為最一在文明門外市橋一在順

承門城南街邊一在麗正門西一在順承門裏草塔兒

鵝鴿市在喜雲樓下鵝鴨市在鐘樓西珠子市鐘樓前
街西第一巷省東市在檢校司門前墻下文籍市在省
前東街紙劄市省前靴市在翰林院東就賣底皮西甸
皮諸靴材都出在一處車市齊化門十字街東拱木市
城西猪市文明門外一里魚市文明門外橋南一里草
市門門有之舒嚕市一巷皆賣金銀珍珠寶貝在鐘樓
前柴炭市集市一順承門外一鐘樓一千斯倉一樞密
院入市在羊角市至今樓子尚在此是至元間後有司

禁約姑存此以為鑒戒煤市修文坊前南城市窮漢市
在大悲閣東南巷內蒸餅市大悲閣後膳粉市披雲樓
南果市和義門外順承門外安貞門外鐵器市鐘樓後

析津志 按舒魯市滿洲語
珊瑚也舊作沙刺今譯改

臣等謹按元時都城坊巷街市見于析津志北平
圖經者頗詳皆朱彝尊所未採然舊規雖在而遺
跡多湮今以其尚可考証者散入五城各條之下
取其名之彙列者備錄于此以為參稽之助焉

原至元五年十月勅二分二至即聖誕節日祭星於司
天臺元史世紀

原先農之祀始自至元九年武宗至大三年從大司農
請建農蠶二壇元史祭祀志

原至元七年大司農請于立春後丑日祭風師于東北
郊立夏後申日祭雷雨師于西南郊延祐五年乃即二

郊定立壇壝之制同上以上三條原在宮室門今移改
原順帝鄂勒哲胡土克皇后京城大饑后出金銀粟帛

命資政院使朴布哈于京都十一門置冢葬死者遺骸
十餘萬元史后妃傳按鄂勒哲義見前胡土克唐

古特語再來人也舊
作完者忽都今譯改

增舊土城一座周圍六十里克復後以城圍大廣乃減
其東西迤北之半創包磚甃周圍四十里其東南西三

面各高三丈有餘上濶二丈北面高四丈有奇濶五丈
濠池各深濶不等深至一丈有奇濶至十八丈有奇城
為門九南三門正南曰麗正左曰文明右曰順承北二
門左曰安定右曰德勝東二門東南曰齊化東北曰崇
仁西二門西南曰平則西北曰和義各門仍建月城外

門十座

洪武北平
圖經志書

原洪武初改大都路為北平府縮其城之北五里廢東
西之北光熙肅清二門其九門俱仍舊

案宇
通志

原大將軍徐達命指揮華雲龍經理故元都新築城垣
南北取徑直東西長一千八百九十丈又令指揮張煥
計度故元皇城周圍一千二百六丈又令指揮葉國珍
計度南城周圍凡五千三百二十八丈南城故金時舊
基也

明太祖
實錄

以上二條原在
世紀門今移改

增坊三十三五雲坊保大坊南薰坊澄清坊皇華坊賢
良坊明時坊仁壽坊思誠坊明照坊蓬萊坊湛露坊昭
回坊靖恭坊金臺坊靈椿坊教忠居賢坊賓賓坊崇教

坊已上二十坊屬大興縣萬寶坊時雍坊阜財坊金城坊咸宜坊安富坊鳴玉坊太平坊豐儲坊發祥坊日中坊西城坊已上十三坊屬宛平縣

臣等謹按此明初未建都以前北平府時所設規制也

增永樂四年閏七月建北京宮殿修城垣十九年正月告成城周四十五里門九正南曰麗正正統初改曰正陽南之左曰文明後曰崇文南之右曰順承後曰宣武

東之南曰齊化後曰朝陽東之北曰東直西之南曰平則後曰阜成西之北曰彰義後曰西直北之東曰安定北之西曰德勝嘉靖三十二年築重城包京城之南長

二十八里門七

明史地理志

補永樂中定都北京建築京城周圍四十里為九門南曰麗正文明順承東曰齊化東直西曰平則西直北曰安定德勝正統初更名麗正為正陽文明為崇文順承為宣武齊化為朝陽平則為阜成餘四門仍舊城南一

十四

尺基厚一丈頂收一丈四尺四十二年增修各門甕城

工部

原在世紀

志

門今移改

臣等謹按

國朝都城之制一因明舊具各門名亦俱仍之誠以

皇極用建九寓會歸永固金湯無事名稱之更易爾

原永樂十七年十一月拓北京南城計二千七百餘丈

明成祖

實錄

原宣德九年七月命都督僉事王彥以五軍神機營官

軍及民夫修北京城垣

明宣宗實錄

原在世紀門今移改

原正統元年十月命太監阮安都督同知沈清少保工部尚書吳中率軍夫數萬人修建京師九門城樓初京城因元之舊永樂中雖畧加改葺然月城樓鋪之制多未備至是始命修之

明英宗實錄

原命下之初工部侍郎蔡信颺言于衆曰役大非徵十八萬人不可材木諸費稱是上遂命太監阮安董其役取京師聚操之卒萬餘停操而用之厚其餼廩均其勞

逸材木工費一出公府之所有有司不預百姓不知而

歲中告成

東里集

原阮安交趾人一名阿留刻有營建記

春明夢餘錄

原四年四月修造京師門樓城濠橋閘完正陽門正樓

一月城中左右樓各一崇文宣武朝陽阜成東直西直

安定德勝八門各正樓一月城樓一各門外立碑樓城

西隅立角樓又深其濠兩崖悉甃以磚石九門舊有木

橋今悉撤之易以石兩橋之間各有水閘濠水自城西

北隅環城而東歷九橋九閘從城東南隅流出大通橋而
去自正統二年正月興工至是始畢煥然金湯鞏固
足以聳萬年之瞻矣

明英宗
實錄

原京師城垣其外舊固以磚石內惟土築遇雨輒頽正
統十年六月命太監阮安成國公朱勇修武伯沈榮尚

書王弼侍郎王祐督工覽之

明英宗
實錄

原岳正天眷六章美營建也天眷皇明誕命高祖俯
監萬方定都江許如龍斯端如虎斯踞以朝以會以享
以祀述矣厥蹟欽于世世天眷皇明亦啟文祖為厥孫
謀事又胥宇碣石之西太行之東有嚴厥宮四海是同

惟帝既祚風夜顧誕神即受職民亦冒祉乃繼乃述乃經乃營戰此土功為萬國宗乃召大臣出任予重曰若爾總曰若爾董役夫總總工師縱縱鑿鼓鏜鏜人心懽懽有赫朝堂有翼廟廷瓊瓊公府款款忽偕典士方耕矣女方歲矣曾不驚矣奏功成矣匪臣之功匪民之力匪民之力惟帝之德帝曰匪予文祖之志天相文祖爛其

營室

類博稿

原陳政正統癸亥營建紀成詩

昭代承平日車書萬

國同華屋歌至德民物圓淳風土宇今何廣京師昔所崇龍飛乘大運鵠聚役羣工郅也操戕斧垂哉主斯磐經營來于庶奄忽見神功日月光三殿乾坤開兩宮巍我齊景毫輝赫過岐豐帝業垂無極人心仰建中賦詩紀成績三祝効

呼嵩

東井集

原成化十二年八月定西侯蔣琬上言太祖皇帝肇基

南京京城之外復築土城以護居民誠萬世不拔之基也今北京止有內城而無外城正統己巳之變額森長驅直入城下衆庶奔竄內無所容前事可鑒也且承平日久聚衆益繁思為憂患之防須及豐亨之日况西北一帶前代舊址猶存若行勸募之令加以工罰之徒計其成功不日可待廷議謂築城之役宜俟軍民息肩之日舉行報可

明憲宗實錄

以上八條原在世紀門今移改

原嘉靖二十一年掌都察院毛伯溫等言宜築外城二

十九年命築正陽崇文宣武三關廂外城既而停止三十二年給事中朱伯辰言城外居民繁夥不宜無以圍之臣嘗履行四郊咸有土城故址環繞如規周可百二十餘里若仍其舊貫增卑補薄培缺續斷可事半功倍乃命相度興工

國朝典彙

臣等謹按金都外郭在今城西南凡七十五里元徙而東北凡六十里共應周一百三十五里今考明朱伯辰僅云百二十餘里則所縮者約十五里

是嵩會圭等議覆前此度地畫圖原為四周之制所以南面橫濶凡二十里今既止築一面第用十二三里便當收結庶不虛費財力今擬將見築正南一面城基東折轉北接城東南角西折轉北接城西南角可以尅期

完報報允

明世宗
實錄

原張四維京師新建外城記上臨御之三十二年廷臣有請築京師外城者參之僉論靡有異同天子乃命重臣相視原隰量度廣袤計工定賦較程刻日于是京兆授徒司徒計賦司馬獻旅司空鳩役總以勲臣察以臺諫與夫庶司百職罔不祇嚴乃遂畫地分工授規作則刺緣舊址土取沃壤寮藩輸鎡以贊工庶民子來而

趨事曾未聞歲而大功告成崇庠有度瘠後有級繅以
深隍覆以軌植門垣矗立櫺樓相望魏乎煥矣帝居之
壯觀也夫易垂設險守國之文詩有未雨桑土之訓帝
王城郭之制豈以勞民所以固圉宅師以隆王者居重
之威以奠下民安土之業以絕奸宄覲覲之念此固聖
人因時之政不得不然者爾
條麓堂集 原在世紀

門今
移改

原嘉靖四十一年尚書雷禮請永定等七門添築甕城

東西便門塼口濠池當崇甃深濬上善其言

明世宗實錄

補天啓元年十月給事中魏大中報京城濬濠工竣東
便門迤北員外郎何玉成監濬一百四十丈張時俊監

濬一百五十三丈主事劉鱗長監濬一百六十一丈主
事張杰監濬一百五十五丈主事張泰階監濬一百四
十五丈朝陽門迤北主事吳時亮監濬五百九十四丈
東直門迤北轉西主事陸之祺監濬五百九十六丈安
定門主事曾櫻監濬門東四百三十丈門西一百十六
丈安定門迤西主事劉鱗長監濬二百六十丈主事韋
國賢監濬一百七十丈員外郎陸化熙監濬二百三十
九丈德勝門迤西主事劉存慧監濬六百十九丈西北

角樓迤南員外郎趙贊化監濬一百七十七丈西直門
迤南主事張時俊監濬一百九十三丈主事楊師孔監
濬四百六丈八尺阜城門迤南主事張杰監濬三百丈
主事張泰階監濬二百八十丈員外郎趙贊化監濬二
百五十三丈西便門至正陽門主事李養德監濬一千
一百二十丈八尺一寸正陽門至崇文門郎中吳淑度
監濬四百九十五丈崇文門至東便門郎中吳叔度監
濬四百九十二丈重城員外郎林霖監濬五千一百五

十丈

藏密
齊集

原天啟元年十月濬京城九門及重城濠成監工科道
魏大中等因言濠之源出玉泉山經高粱橋抵都城西
北而派為二一循城之左而東而南一循城之右而南
而東宜按舊牒為地形高下次第布之未可以丈尺槩
也德勝門之水南入關周行大內出玉河近且北淤南
壅而嘉靖所築重城地勢既高有掘未及泉而止者宜
清其源審其勢疏其脉達其支以總會于大通橋又須

明憲宗
實錄

世紀門今移改

欽定四庫全書
下篇
儒學考

靖恭坊靈椿坊發祥坊金臺坊敦忠坊日中坊關外坊
每城設御史巡視所轄有兵馬指揮使司設都指揮副
都指揮知事後改兵馬指揮使設指揮副指揮革知事
增吏目昔宋以四廂都指揮巡警京城神宗置勾當左
右廂公事民間謂之都廂元設巡警院分領坊市民事
即今巡城察院也

春明夢
餘錄

原嘉靖中生員李時颺監生張岑各疏請舉郊禩之祀
張璫以為言乃設臺于永安門北震方以夏言充祈祠

醺壇監禮使

春明夢餘錄

原郊禋壇設于震方皇城東永安門之北臺用木正位
昊天上帝配位皇考獻皇帝西向高禋設于壇下西向
上位于壇下北向后妃位七于壇南數十丈外北向用
帷弓韉弓矢如后妃嬪之數質明上祭服后禮服妃嬪
各服其服至壇上就位后以下帷中就位上行禮畢分
獻太常官俱退女官尊皇后以下至高禋神位前跪女
官取弓矢以次授皇后以下受訖納于弓韉

嘉靖
祀典

以

二條原在宮
室門今移改

欽定日下舊聞考卷三十八

欽定四庫全書

欽定日下舊聞考卷三十九

皇城一

臣等謹按

皇城之內前明悉為禁地民間不得出入我

朝建極宅中四聰悉達東安西安地安三門以內

紫禁城以外牽車列闥集止齊民稽之古昔前朝後市

規制允符今謹編為

皇城四卷又朱彝尊原本綜列各條未分衢路先後考
孫承澤春明夢餘錄自地安門內分東西兩路編
次較為明晰茲仿其體例將朱彝尊原書及補增
各條均按地核實分路叙次以資考訂云

增

皇城在京城周十八里有奇繚牆袤三千三百四丈
有奇正南曰

大清門少北曰長安左門曰長安右門東曰東安門西

曰西安門正北曰地安門

大清門之內曰

天安門

天安門之內曰

端門

端門之內左曰

闕左門右曰

闕右門

大清
一統志

臣等謹按

國家定鼎燕京

宮殿之外環以

紫禁城

紫禁城外重以

皇城甃以磚朱塗之上覆黃琉璃瓦城四門正南門於

順治元年上

大清門牌額

天安門為

皇城正門明曰承天門順治八年重修工成改定今名地安門明曰北安門亦順治九年改定

增

皇城廣袤三千六百五十六丈五尺高一丈八尺下廣六尺五寸上廣五尺二寸

大清會典

原舊制皇城外紅鋪七十二座鋪設官軍十人夜巡銅鈴七十有八貯長安右門初更遣軍人一一搖振環城巡警歷西安北安東安三門俱會長安左門而止每十鈴以兵部火牌一面後復造木牌五十六面付五門驗

發鈴收鈴之數

明武宗實錄

原東西長安門通五府各部總門京師市井人謂之孔聖門有識者曰拱宸然亦非也本名公生門 菽園雜記

原正統元年六月作公生門于長安左右門外之南 明英宗實錄

原成化二年六月疏通東西公生門至大明門溝渠各二百一十五丈東安門至南牆角溝渠二百二十五丈

明憲

宗實錄

原唐宋禁中亦許乘馬今制自兩長安門東西華門外過者皆下馬雖相臣亦然 震澤長語 以上五條原在

城市門

今移改

原自北安門裏街東曰黃瓦東門門之東街南曰尚衣

監街北曰司設監再東曰酒醋麪局曰內織染局有外
廠在朝陽門外又有藍靛廠在都城西皆本局之外署
也曰皮房紙房曰針工局曰巾帽局其後臨河有梓潼

廟曰火藥局即兵仗局之軍器庫也

燕史

原尚衣監製造皇帝皇太子親王衮冕袍服司設監成
造各宮箋筆蒲席棕蓆及各宮進用龍牀頂架帳幔轎
椅鋪陳衣包蓋祇花毯地毯圍幕油祇雨織
等物鋪設宮殿龍簾走索席梯

水部備考

原初永樂間北征獲羊萬餘令順天府所屬州縣分收
歲辦羊毛價銀輸司設監供用謂之長生羊毛弘治間
府尹黃傑言歲久羊已無存民猶輸納甚苦已得旨除
縣司設監尋復以前令為言上曰羊亡毛存是無名之

征也其悉除之
明孝宗實錄
以上三條原在宮室門今移改

增司設監掌印太監一員裏外監把總二員典簿掌司
寓字無定員掌鹵簿儀仗帷幙諸事尚衣監掌印太監

一員管理僉書掌司監工無定員掌御用冠
冕袍服及屨舄靴襪之事
明史職官志

增酒醕麪局掌印太監一員管理僉書掌司監工無定
員掌宮內食用酒醕糖醬麪豆諸物與御酒房不相統

轄
同上

原織染局于朝陽門外種藍打造靛青煉染大紅紵絲
紗羅經緯合用礮子石灰于馬鞍山廠燒造
水部備

考
原在宮

室門今移改

增內織染局掌印太監一員管理僉書掌司監工無定
員掌染造御用及宮內應用緞疋城西藍靛廠為此局

外署 明
史職官志

原內官監中帽局掌造內府冠帽設大使一人副使二人
針工局掌造內府衣服設大使一人副使一人織染
局掌織染緞疋設大使一人副使一人顏料局掌
燒造銀珠等項顏料設大使一人春明夢餘錄

原針工局縫製王府冊封賞賜等項衣服內官史長
隨小火者三年一次給與冬衣六年一次給與鋪蓋
水部
備考

原泰昌元年十二月工部題給針工局年例冬衣計兩
京中使長隨共九千口一十五名折冬衣八萬一千五
百九十四兩 明熹宗實錄

以上三條原在宮室門今移改

增針工局掌印太監一員管理僉書掌司監
工無定員掌造宮中衣服 明史職官志

增巾帽局掌印太監一員管理僉書掌司監工無定員
掌宮內使帽靴駙馬冠靴及藩王之國諸旗尉帽靴

同上

臣等謹按黃瓦門之名見于大佛堂碑刻今俗呼
為東西黃華門蓋字音之訛也尚衣監司設監今
廢考東黃瓦門之東迤南有玉皇廟即尚衣監舊
廨廟中有

本朝雍正三年重修碑記迤北曰慈慧殿以慈慧寺得
名也寺中有碑二一模糊不可讀惟篆額司設監

三字尚可辨一我

朝康熙間重修碑記碑文止言明宮監以梵宇為私廨而不著司設之名稍東南為簾子庫有真武廟稍東為織染局有華嚴寺寺碑皆有司設監名蕪史謂司設監在黃瓦門街北信矣酒醋織染等局今俱廢而各衙衙仍存其名酒醋局衙衙內興隆寺有鑪一上鑄酒醋麵局佛堂供奉字內織染局衙衙內有華嚴寺寺內有弘治嘉靖二次重修織染

局佛道堂碑記針工局巾帽局兩衙衙與內織染局毗連皆在玉河南火藥局在玉河北臨河有伽藍寺前殿祀關帝後殿祀毘盧佛有鐘一上鑄火藥局字入西為火神廟而無梓潼廟皮房紙房今俱無可考藍靛廠詳郊垌門

原北安門內街東曰安樂堂內官有疾者徙此

燕

原在

宮室門

今移改

臣

等謹按春明夢餘錄云安樂堂在地安門內街

東蕪史作街西誤今堂額雖存並非內監養病之所又按羊房夾道亦有安樂堂乃明孝宗誕生之地明史謂之西內詳本條下

原再東稍南曰內府供用庫

蕪史

原供用庫歲鮮木柴木炭藥麻剝條猫竹白麻榆槐松栢木版運送石灰城甃猫水部備考以上二條原在官室門

今移改

增內府供用庫掌印太監一員總理管理掌司寫字監工無定員掌宮內及山陵等處內官食米及御用黃蠟白蠟沉香等香凡油蠟等庫俱屬之舊制各庫設官同八局明史職官志

增供用庫凡浙江湖廣四川福建江西廣東山東河南等布政司直隸蘇松常鎮寧太安慶廬鳳淮揚等府歲解黃白蠟芽菜茶并蘇松常三府解到白熟糙梗糯米俱送本庫收明會典

臣等謹按今酒醋局南蠟庫衡衙五聖祠內有磬

一上鑄內府供用庫五聖祠供奉等字稍南地仍

名內府庫即燕史所稱內府供用庫無疑

原番經廠內官遇萬壽元旦等節于英華殿作佛事辛事之日一人扮韋馱抱杵而立立餘披瓔珞鳴鑼鼓吹海螺諸樂器贊唱經咒至夜五方設佛會立五色繖數十人魚貫行其間有所謂九連環者其行逾疾至九連環變則體迅若飛鳥觀者目眩矣天啟辛酉後奉旨以宮人為之天啟宮詞注

原宮中各長街設有路燈以石為座銅為樓銅絲為門
壁每日晚內府庫監灌油然燈以便巡行曰番經殿念
習西方梵唄經凡有佛事本殿內官易番僧帽
衣紅袍黃領黃襖腰一日或三晝夜燕史

原漢經殿念習釋家諸品經僧伽帽袈裟緇色衣與僧
人同惟不剃髮耳佛事畢仍易內臣服色同上以

上三条原在宮

室門今移改

臣等謹按明番經殿漢經殿今為嵩祝法淵智珠

三寺考嵩祝寺東廊下有銅鐘一鑄番經殿字西

廊下有銅雲板一鑄漢經殿字又法淵寺有張居

正撰番經殿碑記云番經殿與漢經殿並列是可

據也

增嵩祝寺在三眼井之東

冊城

臣等謹按嵩祝寺大殿額曰妙明宗鏡後樓額曰

慧燈普照聯曰碧砌瑤階春色麗琪花芝草日華
鮮西側聯曰夜梵聞三界朝香徹九天皆

皇上御書

增法淵寺在嵩祝寺東寺有銅鼎一高六尺有咫

冊城

增智珠寺在嵩祝寺西

冊城

臣等謹按智珠寺前殿額曰寶網光音聯曰香雲
遍覆真如界皓月常明自在天後殿額曰現清淨
身聯曰金粟神光昭妙應香林淨域證虛明皆

皇上御書

增張居正審經殿記 審經來自烏思藏即今喇嘛教
達摩目為旁支曲竇者也成祖文皇帝貽書西天大寶
法王延致法尊尚師等取其經繕寫以傳雖貝文梵字
不與華同而其義在戒貪惡殺宏忍廣濟則所謂海潮
一音醍醐同味者也殿在禁內東偏與漢經並列歲久
亦漸圯矣穆宗莊皇帝嘗出帑金命司禮監脩葺今上
登大寶復以慈聖皇太后之命命終其事經始隆慶壬
申至八月而告成事因為文鏡于石垂諸久遠焉萬厯

元年四月八日建極殿大學士張居正撰

臣等謹按朱彝尊原本凡引碑文注云吉金貞石志非實有其書也今新增各條事歸核實採諸書者注某書碑板則書某人某碑我

朝鼎建者謹就本事直書不從彝尊之例後倣此

原司苑局進用蔬菜俱有竹籃筐盒裝盛合用物料 水部備考 原在宮室門今移改

增司苑局掌印太監一員管理僉書掌司監工無定員掌蔬菜瓜果 明史職官志

原鐘鼓司陳御前雜戲削木為傀儡高二尺餘肖蠻王軍士男女之像有髻無足下安卯拘用竹板承之注水

方木池以錫為箱支以木撓用紗圓其下取魚蝦萍藻
躍浮水面中官隱紗圓中將人物用竹片托浮水上謂
之水嬉其以雜劇故事及癡兒騷女市井醜態之狀約
有百回每四十餘人各以兩旗引之登場謂之過錦皆
鐘鼓司承應

其史

原內官諸署指鐘鼓司為東衙門賤而不居輟
城山房筆塵以上二條原在宮室門今移改

增鐘鼓司掌印太監一員兼書司房學藝官無定員掌
管出朝鐘鼓及內樂傳奇過錦打稻諸雜戲明史職

志官

臣等謹按司苑局今已無可考矣鐘鼓司亦廢今
嵩祝寺東北有鐘鼓司衙衙內有鐘鼓寺當即其

地云

原再南曰新房曰都知監曰司禮監門之內稍南有松

樹者內書堂也

燕史

原在宮室門今移改

增都知監掌印太監一員命書掌司長隨奉御無定員
舊掌各監行移關知勘合之事後惟隨駕前導警蹕

明史職官志

原司禮監每年成造上用兔香狸山羊毛鼠尾筆藏墨
雜墨印造上用經書制勅雲龍等箋灑金粉蠟等紙精
微勘合文簿經書畫匣屏風畫軸楮杆紙扇及成造龍
牀應用貓竹松木螺甸青碌川漆屨漆金箔圓藤木柴
等料糊飾宮殿屏風廳格
綾紗紙劄
水部備考

補司禮監每年成造上用並進宮兔毛
筆共二萬九千九百餘枝 工部志

補朝廷用筆每月十四三十日兩次進御各二十管冬
用綾羅管彙視以綿春用紫羅至夏秋用象牙水晶玳
瑁等皆內府臨時發出製造弘治中吳興筆工造筆進
御有細刻小標記云筆匠施阿牛孝宗鄙其名易名曰
施文用至今猶然 戒菴漫筆
以上四條原在宮室門今移改

增司禮監提督太監一員掌印太監一員秉筆太監隨
堂太監書籍名畫等庫掌司內書堂掌司六科廊掌司
典簿無定員提督掌理皇城內一應儀禮刑名及鈐
束長隨當差聽事各役關防門禁催督供應等事掌印
掌理內外章奏及御前勘合秉筆隨堂掌章奏文書照
閣票批硃掌司各掌所司典簿與記奏章諸出納號簿

職官志 明史

臣等謹按都知監今無考司禮監今為吉安所

原大學士陳山離間趙邸上疎薄之命解內閣機務教
內侍開席於文華殿東廡至景泰中選小內侍七人俾
中允倪謙呂原教之亦于文華殿東廡天順後于內
府書堂專命翰林官往教遂為定制雙槐歲抄

原翰林官內府供職日給光祿黃封內膳有
常制承命內館教書者則兩給之項綴錄

原凡教內書堂用史官四員赴書堂日諸生約四十餘
人于承天門外迎接師于西版房易吉服肅而入故事
新任者設飯于端門內相所飯訖自左由會極門轉東
河邊到內書堂止書堂祀孔子師入四拜書堂南亦祀
孔子師八只揖不拜新舊師東西序立舊者居東交拜
訖諸生拜于堂下到內書堂列坐設宴宴畢由厚載門

出詞
林典故

原內書堂教授讀書自學士陳山始以後詞臣任之奉
旨收入宮人選年十歲上下者二三百人撥內書堂讀
書本監提督總其綱掌司分其勞擇日拜孔子請詞林
諸公從長安右門入北安門出後則由北安門出入每
學生一名各具白蠟手帕
龍挂香以為束修 蘇史

原內書堂西向約十餘間其南一室奉先聖其北一室
亦奉先聖于南則拜于北則揖不知何義 王堂蒼記
原正德八年十二月重造司禮監
書堂以燬于火也 明武宗實錄

補翰林教小內官在書堂中有四五百人學士五人輪
五日一轉至日背書批做責罰常二百餘人輕者留衣
而杖重者褫衣露體則發他處責之或十人或十五人一行
跪以次受責 戒莽漫筆 以上七條原在宮室門今移改

臣等謹按明白宣宗始設內書堂選詞臣課讀小

內監使通文墨掌章奏得與外廷往來致啟閣豎
干政之漸貽謀不善遂釀成一代厲階我

朝宮府肅清內監不得干預政事正本澄源超邁前古
向惟

萬善殿派漢教習一員課讀年幼內監十餘人乾隆三
十四年復奉

上諭以內監之設止備使令無取深通文義派內務府
筆帖式一員教令粗識文字將漢教習永遠停止

法禁明而防制密洵足為萬世不易之良法矣

原諸司最貴重者曰司禮監次內官御用司設御馬諸

監惜薪司曰近侍牌子曰掌刑于外職最雄者曰提督

東西廠

西廠成化正德間曾設俄革

曰提督十二團營五軍營曰南

京守備曰兩廣總鎮及各處鎮守

鳳洲筆記

原在宮室門今移改

增御前近侍曰乾清宮管事督理御用諸事曰打卯牌子掌隨朝捧劍俱位居司禮東廠提督守備之次曰御前牌子曰暖殿曰管櫃子曰贊禮曰答應長隨曰當差聽事曰拏馬尚冠尚衣尚履皆近侍也

明史職官志

原入南曰尚膳監御馬監向東者曰北花房曰印綬監

曰中書房曰蹴圓亭

其史

原新房之北則司禮監也新房之南則御馬監也

同上

以上二條原在
宮室門今移改

臣等謹按新房今無考司禮監之南御馬監之北

有高房衙或即其地

原御馬監合造涼馬繩索馬槽
馬椿桶杓繩刷 水部備考

原朱寧本雲南耀耀成化間太監錢能守雲南時見寧
狡黠以為奴能死遂竄名騰驤衛為勇士執役御馬監
武宗常至監試馬因寧應對敏給執控聞習遂獲
進用不三四年寵極位盛迄至殺身云 宙載

補駕歷時有進無角二黑牛者養之御馬監內
龜隱集 以上三條原在宮室門今移改

增御馬監掌印監督提督太監各一員騰驤四衛營各
設監官掌司典簿寫字掣馬等員象房有掌司等員
明史職

官志

增宜德間令御馬監乘馬牛羊草分派兩直隸山
東河南山西陝西諸府州地畝內徵納 明會典

增馬神廟在馬神廟街

城

臣等謹按馬神廟即明御馬監馬神舊祠也廟基

舊在街之稍北乾隆二十年移建今廟有碑廟殿
舊額曰明霞館

聖祖仁皇帝御書廟內大鐘一上有正德十年鑄御馬
監馬神廟供奉十三字小鐘一上有勅建馬王廟
康熙四十二年造十二字殿前大鐘一上有康熙
四十六年造御馬監馬神廟供獻十五字殿內小
鐘十五皆有康熙丁亥造御馬監馬神廟供奉字
迤南為

御馬園其地蓋仍明舊也

原御馬監廳事之南曰裏草欄草場監之南向西者曰

杆子房曰北膳房曰煖閣殿曰南膳房曰明器殿曰混
堂司曰內東殿永樂十八年始置提督太監一員闕防一
顆文曰欽差總督東殿官校辦事太監闕防天啟四年
避御諱改鑄官校曰官旗萬曆初馮保奏建扁曰朝廷
腹心有欽給密封牙章一枚應封奏者以此鈐封

蘇史

原在宮室

門今移改

臣等謹按今

御馬園南地名銀閘有真武廟即明御馬監裏草欄舊

址也廟內有天啟三年碑記可考又南為騎河樓
廟兜衡衙舊名煖閣廠內有關帝廟廟有鐘二一
鑄暖閣廠關帝廟字一鑄暖閣廠關帝廟康熙四
十九年孟秋虔造字至南北膳房考春明夢餘錄
萬曆二十八年拆去蓋造觀心殿修補乾運殿其
杆子房明器廠混堂司今無考

原東廠置自永樂十八年其衙門無設官主之者司禮
監秉筆太監一人司屬隸役悉取給于錦衣衛故各員
役陞轉皆在衛而太監乃司禮監堂上官秩最尊有去
留而無陞轉其銜曰欽差總督東廠官旗辦事司禮監

秉筆太監凡掌司禮監者號曰宗主督東廠者號曰督主或宗與督合一人領之有掌刑千戶一員以錦衣衛千戶充之有加指揮至都督者又理刑百戶一員或曰貼刑二人共坐理事熹宗時嘗賜東廠刑官過肩獅子服有加宮保府臣者矣其爪牙司文移者曰掌班寫字房管事房辦事房以十二夫分十二夥頭目一人曰擋頭外人稱之曰夥長專司緝察各夥分數人動刑曰刑上每夥擋頭下有番子數人名曰幹事的專持人陰事或繕紳私札交際禮或言語可質証者密白于擋頭得一事擋頭先捐金予之事曰起數予之金曰買起數擋頭隨同番役于所犯之家左右寺廟空所名曰打搭擋頭設座番子直入所犯之家執犯者非刑拷掠一曰乾醉酒一曰擬冒兒或以細竹鞭筋其酷十倍官刑每月旦分遣辦事人于各衙門及各城門守定名曰坐記以衙門所行事必小幅紙開報名曰打事件事件到東華門雖深夜司門者從門隙中傳入頃刻到掌廠即時達

至尊笑
容聽偶談

原掌殿內直房有欽賜牙印一方凡打進事件奏聞者用此印鈐直至御前蓋得比輔臣之文淵閣印亦僭紊

極矣
野獲編

原唐末兩樞密使及左右中尉柄事禁中與宰相表裏號為中貴亦稱內大臣樞密即今司禮中尉即今東廠也
穀城
山房筆塵

原隆慶中刑科給事中舒化疏朝廷設立嚴衛原以捕盜防奸細非以察百官也駕馭百官乃天子之權而奏核諸司責在臺諫朝廷自有公論今以暗訪之權歸諸嚴衛萬一人非正直事出冤誣是非顛倒殃及善良非盛世所宜有也上命付所司知之
春明夢餘錄

原崇禎十五年正月，上諭東廠太監王德化曰：「朝廷設東廠緝事，期于摘發大奸。若糾剔細微，文網苛察，非所以安全之也。」今後非謀反逆倫、權豪捍法者，勿問。綏寇記畧。

補京師東廠者，掌巡邏兵校之地也。弘治癸丑五月，忽風大作，地陷約深二三丈，廣亦如之。菽園雜記。

上七條原在宮

室門今移改

增提督東廠掌印太監一員，掌班領班司房無定員，貼刑二員，掌刺緝刑獄之事。舊選各監中一人提督後專用。司禮秉筆第二人或第三人為之，其貼刑官則用錦衣衛千百戶為之。凡內官司禮監掌印權如外庭元輔掌東廠權如總憲秉筆隨堂視衆輔各設私臣掌家掌班司房等員。明史職官志。

臣等謹按內東廠為明季弊藪我

朝定鼎廓清禁掖東廠地名久就廢沒以蕪史春明夢

餘錄叙次考之當與暖閣廠衙衙騎河樓相近

原景泰六年四月增建御花房

明景帝實錄

原天啟中有龍見北花房之小河長尺許色黃碧有爪無鱗其地近宋縉直房縉護以紅錦盛金合中奏進奉旨送赴黑龍潭天啟宮詞注以上二條原在宮室門今移改

臣等謹按北花房春明夢餘錄作百花房印綬監

中書房蹴圓亭今俱無考

增宣仁廟在

紫禁城外東北隅暖閣廠西北池子

大清一統志

臣等謹按宣仁廟雍正六年

勅建以祀風神有

世宗憲皇帝御書協和昭泰額

增凝和廟在宣仁廟南

大清一統志

臣等謹按凝和廟雍正八年

勅建以祀雲神有

世宗憲皇帝御書興澤昭彩額

原內承運庫在東下馬門其職掌庫藏在宮內者曰東裕庫曰寶藏庫皆謂之裏庫其會極門寶善門迤東一帶及南城磁器等庫則俱謂之外庫過外馬房餘宅數區所謂河邊者也

燕史

原內承運庫掌應用荷葉錫錐錫鉗茶瓶汁瓶確鐸等物

水部備考

原內承運庫以藏銀絹除歲用外其餘皆入內女官庫

病遠漫記

以上三條原在宮室門今移改

增內承運庫掌印太監一員近侍僉書太監十員掌司寫字監工無定員掌大內庫藏凡金銀及諸寶貨總錄

之明史
職官志

增承運庫凡浙江江西湖廣山西四川等布政司直隸蘇松常鎮廬鳳淮揚徽寧池太安慶等府滁徐廣德等

州歲解絹尺并潤生絹翠毛皮俱送本庫收明會典

增正統二年令各處解到秋糧折銀赴部出給長單闕填勘合送內府承運庫收貯同上

原熹宗在位七年帑藏懸罄嘗將累朝所鑄銀甕銀盤尊鼎重器輸銀作局傾銷充餉故餉銀多有銀作局三字者此人所共見也甲申春廷臣請動內帑夫內帑惟承運庫耳錢糧解承運庫者二一曰金花一曰輕齎金花銀所以供后妃金花及宦官官妾賞養輕齎銀以為勲戚及京衛武臣俸祿隨進隨出非如唐德宗私庫聚而不散者比野史乃謂城破大內尚有積金十餘庫不知十餘庫何名承運庫外有甲乙等十庫貯方物者也天財庫貯錢者也古今通集庫貯書畫符券誥命者也東裕庫貯珍寶者也外東庫亦貯方物無金銀也庫盡

此矣城破惟東裕庫珍寶存耳安有所謂十餘庫積金而紛紛謂上不輕發內帑豈不冤哉明崇禎遺錄

原在宮室

門今移改

臣等謹按春明夢餘錄內承運庫外馬房在御馬

監南俱無考惟河邊今有驪園或即其地

欽定日下舊聞考卷三十九